

# جولة يسيرة فى أعظم سيرة [لقاءات الخميس] الشيخ محمد

خيرى

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له واشهد ان محمدا عبده ورسوله. وبعد

جولة يسيرة فى اعظم سيرة سيرة محمد صلى الله عليه وسلم وهذا الدرس هو مقدمة ان شاء الله عز وجل اذا قدر الله ويسر واستمرينا فان شاء الله عز وجل يكون سلسلة فى شرح سيرة النبي صلى الله عليه وسلم والتعليق على سيرته صلى الله عليه وسلم آ منذ الميلاد الى الوفاة صلى الله عليه وسلم. كان الحسن في يوم من الايام يتكلم عن النبي صلى الله عليه وسلم. وله خصوصية خاصة به صلى الله عليه وسلم كما لا يخفى على اسماعكم فيتكلم عن شعر النبي صلى الله عليه وسلم ويتكلم عن سمته ودله وشكله ووصفه واثيابه وعطره واكله قال وكان له نعل نعلو بذكره كان له نعل نعلو بذكره يعني حتى النعل واحنا بنقول كان يبليس ايه وبتاع نحن نرتفع لاننا نقترب ممن رعاه الله ورفعنا لك ذكرك وكلما اقترب العبد من نبيه اخذ من خصائصه فمن اقترب من النبي ورفع سنة النبي رفعه الله فقال وكان له نعل يحكى انه قال وكان له نعل نعل بذكره فقال له يا امام احد التلاميذ كيف نعلو بذكره؟ قال موسى قيل له اخلع نعليك بالوادي المقدس واما محمد من فما خلعه لما صعد الى الملاء الاعلى فنعلو بذكره صلى الله عليه وسلم والمتأمل في خطاب القرآن للنبي صلى الله عليه وسلم وكيف خصه الله عز وجل بخطاب ميزه عن غيره رفر قلبه وعرف قيمة محمد عند ربه صلى الله عليه وسلم. سيرة النبي صلى الله عليه وسلم سريعة نمر عليها اليوم كفهرس. ولكن قبل ان نلج الى هذا الفهرس نذكر في خمس دقائق او عشر دقائق محددات واطر جعلنا ندخل السيرة ونحن مستحضرين تلك اولا ينبغي عليك ان تتعلم وتتعرف على النبي صلى الله عليه وسلم لانه اسوتك. وهو الذي ستسأل عنه الوحيد الذي ستسأل عنه مباشرة من هو محمد صلى الله عليه وسلم في اسئلة القبر المسربة للجميع في امتحان لا يفلت منه انسان بالغ قال النبي صلى الله عليه وسلم ويسأل العبد في قبره ثلاثة اسئلة ومنها ما الرجل؟ ما هذا الرجل الذي بعث فيكم؟ كانه بعث فيك انت فماذا انت قائل؟ ولزلك لازم في السيرة يكون لك حال لك خصوصية لك ورد كورد القرآن لك ورد ده في التعرف على محمد صلى الله عليه وسلم. مايكل هارت اللي عمل كتاب الخالدون مائة اه درس عشرين الف شخصية. عشرين الف بني ادم. ووضع معايير حوالي اربعتاشر معيار. واختار مية طبقا للمعايير دي. نخالفه حتى النخاع في الية المعايير لانه استثنى الدين وحيدته وكانت معايير علمانية. الشاهد انه وضع من المعيار الاول صناعة التاريخ من خلال التأثير في البشرية. فوضع النبي صلى الله عليه وسلم. هذا لا يزيد عندنا شيء. ولكن اقول لك عيب علينا ان يكون مثل هذا الرجل له حال في دراسة محمد وهو رجل كافر ونحن المسلمون لسنا كذلك. في كتاب مهم يتكلم عن النبي صلى الله عليه وسلم عند الغرب اسمه الرسول العظيم باقلام واعلام المستشرقين والمفكرين عرب اكثر من حوالي متين تلتميت واحد بيقول لك ماذا قالوا عن محمد صلى الله عليه وسلم؟ وقالوا بعدما درسوا سيرته. عريب علينا ان يدرسوا هؤلاء محمدا ونحن لا نعرف محمدا الا يعني ظاهرا. كان الزهري يقول كانوا المغازي وسيرة النبي كما يعلموننا السورة من القرآن. زي ما كان بيحيي يقول لي كده يلا سمع. سمع قل اعوذ برب الفلق فتيجي تتسابق مع اخويا تغلط يقول لك لا دي قبل دي. كانوا بيعلمونا كده السيرة. سيرة السراج المنير الرحمة المهداة. النور الذي ارسله الله اليك لينتشلك من بحار الزلمات. من مما يميز السيرة. يبقى قلنا اول حاجة انك لازم تتعرف عن السيرة لان ده سؤال. انت لازم تجهز له. عيب انك تكون عارف كتير جدا عن لاعب كورة ومشهور ومش عارف نص المعلومات او ربع المعلومات دي عن محمد صلى الله عليه وسلم. مما سيرة النبي صلى الله عليه وسلم عندما نلج فيها بالتفصيل ان شاء الله عز وجل اذا يسر الله ودبر

انها سيرة واضحة حتى ان احد المستشرقين يتكلم عن النبي صلى الله عليه وسلم يقول كان رجل كأنه يمشي كان رجل يمشي تحت الشمس ويقول اخر عنه صلى الله عليه وسلم كأنه يعيش في بيت من زجاج. يعني ايه الكلام ده ان سيرة النبي شخص النبي حاجة واضحة للجميع. ما فيش حاجة ما فيهاش غموض. النهارده في علم التسويق الجماعة اللي بيسوقوا للشخصيات والكلام ده يبجوا يقولوا اللاعب المشهور او الفنان المشهور في حاجات انك لازم تهتم بها. واحد ما تظهرش كتير اتنين ما حدش يتكلم عنك كتير

ما تتكلمش كتير قال ايه؟ تزل غامض واحنا ايه؟ نسوق لك. اما محمد لا. فالاصل في سيرته الوضوح التام. حتى ان الشيخ الضريبي كتاب اسمه يوم في حياة النبي. او اليوم النبوي صلى الله عليه اسمه كده اليوم النبوي. اتكلم عن اليوم من ساعة ما النبي صلى الله عليه وسلم يصحى لغاية ما ينام

يقول تتبعت لحظات النبي في اخر الكتاب بيقول الكلام الجميل ده. فوجدتني اعرف عن النبي اكثر مما اعرف عن ابي يقول لك انا بقيت اعرف عن النبي اكثر ما بعرف عن ايه؟ عن والدي بيصحى بيعمل ايه؟ وبعدين بينام ازاي؟ كان يصحى اولاده ازاي؟ مش عارف ايه؟ والكلام ده. فكل المعلومات التفصيلية تجدها

فكان يأكل ومن الزي الشئ الذي كان يحبه صلى الله عليه وسلم في الاكل حتى الخلاء ماذا كان يفعل في الخلاء صلى الله عليه وسلم كل الامور دي واضحة ليه؟ لان هو الاسوة كيف سنتأسى به ونحن لا ايه؟ نعرفه؟ فاول حاجة ان السيرة احنا بنقرأها تقرأ سيرة واضحة وضوح الشمس

تاني حاجة هتلاقيها سيرة شاملة. العازب يجد في النبي صلى الله عليه وسلم قدوة له. المتزوج يجد في النبي صلى الله عليه وسلم وقدوة له في حال الحرب في حال السلم في حال المشاكل مع زوجاته في حال الرضا في كل شئ بتجد للنبي صلى الله عليه وسلم احوال. ان هي سيرة متكاملة سبحانه الله. اذا بحثت عن النبي صلى الله عليه وسلم كصاحب كأنه ما بعث الا صحابي يعني تيجي تفتش فيه كده وتقول سبحانه الله وكأنه ارسل ان يكون صاحب ايه؟ اصداقه وصاحب زمايله. واذا رأيتة وقرأت السيرة من باب انه زوج

كانه ما ارسله الله الا زوجا وفي التعامل مع الاطفال اذا تتبعت حاله كأنه ما ارسل الا ملاعب ومداعب للاطفال صلى الله عليه وسلم الجيش وهو بيحارب صلى الله عليه وسلم تلاقيه بيسابق مين؟ عائشة

رضي الله صلى الله عليه وسلم رضي الله عنه سيرة ربانية. يعني ايه سيرة ربانية يعني مؤسسة من عند الرب يعني ايه برضه؟ العباس وابو سفيان تأخر اسلامهما اسلام هؤلاء تأخر. اليوم فتح مكة. داخل النبي صلى الله عليه وسلم. ابو سفيان ده راجل آآ خريج ماهر جدا حارب

النبي صلى الله عليه وسلم اكثر من خمستاشر عشرين دخل في عشرين سنة بيحارب النبي صلى الله عليه وسلم فراجل تقيل. فراجل فاهم في اصول المعارك والشغل والجيوش كده شايف بقى في مدح مكة قاعدة مالية راقب الجيوش وداخلة ازاي ومنتزعة ولا مش عارف ايه. فبيقول للعباس كلمة قال له لقد اصبح ملك ابن

اخيك اليوم العظيم بقول له ياه ملكه بقى كبير قوي. قال له ويحك انها النبوة. لا لا لا ما لناش دعوة بالملك دي. دي نبوة دي اسست على ربانية. فتجد في كل سكتة وحركة في حال النبي انها نابعة من عند مين؟ مصدرها مين

الرب سبحانه وتعالى. ولزلك اول ما يبجي يصحى يقول اصبحنا واصبح. هنا بقى النبوة. هنا السيرة سيرة ربانية من معالم السيرة انها سيرة مليئة ومؤسسة على الجدية. ابراهيم مؤسس امريكا ومفكرها كان بيقول من يحسن مهارة

التبرير لا يحسن اي مهارة بعدها لذا انه يببرر ومش عارف ايه والكلام ده كله ده لن ايه؟ لا النبي صلى الله عليه وسلم في البداية وانت بتقرأ كده تلاقي ان في جدية في جدية خذ الكتابة بقوة ولذلك عبدالوهاب المسيري اما جه يطلع موسوعة اليهود بيحكى على نفسه ان هو زل يقرأ من الساعة ستة الصبح للساعة اتناشر بالليل كم يوم؟ يومين ثلاثة اربعة ستة ثمانية

ثلاثين سنة شغله ليه؟ جاد عنده جدية. القرآن فيه احلك الزروف. السيرة في احلك الزروف تجد ان في جدية عالية جدا. ابو يوسف وابو الحسن الشيباني لما ارادوا ان هم اللي نقلوا مذهب الامام ابو حنيفة بالمناسبة. ابو حنيفة مش هو اللي نشر المذهب اللي نشر المذهب التلاميذ. كان له تلاميذ نجباء

يا ريت نسمع الكلمة دي بقلب واحد بيقول له ايه الا تنام طب ما تنامش كويس ليه كده؟ ما تنام. قال كيف انام؟ وقد نامت اعين المسلمين اتكالا علينا نعم

الله اكبر. شف الناس عما يكون عنده الجدية. من البداية عارف ان هو ايه؟ انسان جاد والله شرف واي شرف ان ربنا يختارك انك تكون ميسر الطاعة على الناس واي شرف ان الله عز وجل كلما فرغت نصبك في عمل اخر كيف انام وقد نامت اعين المسلمين اتكالا علينا؟ انام ازاي سبحانه الله همة تنضح الجبال كما هو موسى من خولاني في يوم من الايام صاحي كده شاب بقى عنده ايه سبعتناشر تمنناشر سنة فيعني انت عارف كده احيانا ايه الشاب عمال

كده ممكن يعمل اي قفزة كده ولا صيحة من صيحاته فهو بصم الخولاني كده قايم ايه؟ بايه؟ فييضرب الايه؟ الحائط كده ايه بيده فامه قالت له سلامتكم. تعمل ايه وتبص له؟ قال يا امه همة تنطح الجبال. عندي همة عالية قوي. خلاص ناس كتير ممكن تقول كده بس وهو جعان هو جعان. عاوز اكل. ابوس مخاويها كان عنده همة عالية جدا عنده جدية جدية ديت هنشوفها في سيرة النبي صلى الله عليه وسلم. ولزلك من اول يوم قال لها مضى عهد النوم يا خديجة. كان فيه وخلص كنا فاكرا ايام زمان ما كنا بننام اهو ما عدش فيه نوم خلاص. مضى عهد النوم يعني النبي صلى الله عليه وسلم ما كانش بينام لأة النوم بتاع امبارح غير النوم النهار ده اللي بيزاكر عشان عنده امتحان بينام صح بس نوم النهار ده غير نوم الاجازة ده نوم يدوب وشتان بين نومين. فالجدية هنشوفها في سيرة النبي صلى الله عليه وسلم. القيم الكبرى اللي بتدير الواقع هنلاقيها في سيرة النبي صلى الله عليه وسلم. واكفي ان انا اقول لك يعني قيمة او اتنين تلاقيها دايمًا مسيطرة في السيرة كلها كما قلت لكم ان النبي صلى الله عليه وسلم اذا نظرت اليه كصاحب كانه ما ارسل الا صاحب. صلى الله عليه وسلم. شف مسلا قيمة جبر الخاطر في يوم من الايام واقف مع عمها العباس طبعًا النبي صلى الله عليه وسلم ده كان مشغول ولا كان فاضي؟ طبعًا عشان هو النبي صلى الله عليه وسلم هو كان مشغول صح؟ بس انت متخيل ان هو كان مشغول اللي عنده اللي عنده ولدين في سانوية تايه، طب اللي عنده ولدين؟ طب اللي عنده بيتين بيتين يعني زوجتين. طب ثلاثة. طب اللي عنده تسع ابيات وتسع زوجات واللي عنده صحاب مية وعشرين الف صحابي مش صاحب ولا اتنين ولا ثلاثة ولا اربعة وعندو معاناة الوحي وعندو اليهود والاعراب والنصارى المهم وقف مع امه اصل انا مش فاضي وبتاع لا لا واقف مع امه في يوم من الايام ففي بنت جارية اسمها بريرة ماشية كده اعتقت نفسها وسعت في عتق واعتقت نفسها طعن البنت الجارية الملك اليميني لو متجوزة متجوزة عبد فعبد متجوز عبدة لو تحررت لها ان هي ايه؟ تفارق لانها بقت حرة. فهي ما صدقت قالت نغيس كل سنة وانت طيب. اول ما فكت نفسها قالت مش هقدر اكمل مع مغييس طبريرا ماشية ومغييس عمال يعيط وراها كان النبي صلى الله عليه وسلم يقول له ايه يا اخي احنا عندنا غزوات وعندنا كزا ما تسترجل بقى سيبك من الكلام اللي انت فيه ده. لسه انت وهو تعيط على بريرة ومش بريرة وبتاع. باقول لك الاخوة آآ على جبل احد. وانت يا ابا تعيط على مغيث على بريرة؟ لا. اول حاجة هو كان بيعيط وهو ماشي فين؟ في المدينة. مين اللي شافه كله شافه. لكن مين اللي جبر خاطره محمد صلى الله عليه وسلم فقال المغيث يا عماه الا تتعجب من حب مغيث لبريرة وبغض بريرة لمغيث عجب طبعًا مش كل واحد يقول لك ايه انا والله فعلا انا بعاني زي مغييس كده. لآ يا حبيبي دول كانوا متجوزين اما تبقى عبد وهي عبدة وتجوزه وتسيبك مسموح لك تعمل زي في زواج فهي عاوزة تفارقه زي اتنين متجوزين وفيه ايه مراسم الطلاق والانفصال ففي ناس بتصلح يعني ماشي فذهنك ما يشطش خليك في السيرة هنا. يا مغيث النبي صلى الله عليه وسلم رآه هكذا رق قلبه لانه يجبر الخواطر. لن سيرة مرتكزة على القيم الكبرى. فماذا قال النبي لبريرة؟ يا بريرة الا تعودى الى مغيث فقالت يا رسول الله شوفوا وهي بتتعامل مع السيرة ربانية ولا حاجة تانية؟ قالت يا رسول الله تأمرني ام انت شافع؟ يعني هو ده طلب من حضرتك ولا ده اه امر؟ لو امر انتهى. اعتبره انتم قال بل انا شافع. قالت لا اطيقه لا اعني وكنت مستنية التسع اوقية دول يبجوا عشان افك نفسي بهم فقال سكت النبي صلى الله عليه وسلم المهم فكرة ايه؟ جبر الخاطر صلى الله عليه وسلم قيمة الجمال تجد في السيرة الجمال. جمال في كل شيه يقول النبي من سحب ثيابه لم ينظر الله له يوم القيامة. يعني الايه؟ اللي يجز ثوبه يعني. وبعض اهل العلم قال ايه؟ فيها الاشارة لمن اراد به ايه؟ الكبرياء فقال ابو ريحانة لقد امرضنا ما حدثتنا يا رسول الله. والله الحديث ده مرضني. تعبت قوي لما سمعته. ليه؟ شف يقول فاني احب الجمال حتى جعله في نعلي وفي علاقة صوتي. عارفين الصوت عارفين الصوت وعصاية كانوا زمان بيعملوا العصاية كده ما اعرفش بيعلقوها ليه؟ المهم ايه؟ كانوا بيعلقوا العصاية. طبعًا انتم عارفين ليه وياما تعلقت تعلقت وشففتها يعني. يقول وعلاقة صوتي افمن الكبر هذا؟ قال لا صلى الله عليه وسلم. انما الكبر غمض الايه؟ رد الحق وغمض الناس في يوم من الايام ابن عوف لابس عمامة كده لابساها ايه كراديس سوداء سوداء كده بقت ناعكسة فنقضها النبي صلى الله عليه وسلم. وارسلها عليه. يعني ايه ربطها تاني اهو سم قال هكذا يا ابن عوف اعتم هكذا احسنوا واكثر فانها اعرف واحسن. لا اقرب للعرف واقرب لايه؟ للحنن. الشاهد ان كانت سيرة النبي صلى الله عليه وسلم مؤسسة على قيم. اخر حاجة ونبدأ في سيرة النبي كفهرس عام

مها سيرة واقعية النبي صلى الله عليه وسلم يراعي واقع البشر في يوم من الايام في امرأة من الانصار زفت لرجل اه امرأة زفت لرجل من الانصار فالسيدة عائشة راحت الفرح كانوا يبروحوا افراح زمان برضه. فراحت الفرح وقعدت بالليل فقال لها يا عائشة هل كان معكم شيء من اللهو الانصار يحبون اللهو. سيرة واقعية مش واقع يقول لها انتم عملتم ايه بقى؟ والله احنا رحنا راجعنا صورة يونس مع العروسة ليه؟ الجدية تدخل وهي ايه؟ وما كان فتدخل من البداية كده ايه خلاص مؤسسة على هو فلا سيرة واقعية حتى انه في يوم من الايام قال انها لقد هممت ان انهى عن الغيلة. عارفين الغيلة؟ هو اتيان الاليه وهي ايه ترضع قال حتى ذكرت ان الروم وفارس يفعلون ذلك ولا يضرؤا اولادهم فما نهى النبي صلى الله عليه وسلم. هي سيرة واقعية. البراق. فين؟ البراق. ركب النبي صلى الله عليه وسلم في رحلة ايه رحلة النوم بعد العشاء. رحلة ايه رحلة الاسراء. النبي صلى الله عليه وسلم ركب البراق في رحلة الاسراء. صح؟ خده منين لفين من مكة للطايف صح مش الراجل قال لكم كده اخر مرة ان الاقصى في الطائف طيب خده من الاقصى خده من مكة من بيته النبي صلى الله عليه وسلم انتقل من جبريل الى بيت الى الكعبة ومن الكعبة الى ايه؟ من الكعبة الى بيت المقدس ركب النبي البراق المفترض يعمل ايه بقى بيسييه ينزل صح؟ لا يقول الراوي فربط النبي صلى الله عليه وسلم البراق بالموطن الذي يربط فيه الحصان. المكان ده بنربط فيه فربط. طب ربطوا ليه حاجة هو هيمشي يعني؟ لا يقول النووي معلقا فان السيرة مؤثرة ان حال النبي صلى الله عليه وسلم النبي صلى الله عليه وسلم ومؤسس انه ياخذ بالاسباب ولزك البراق لما اتزلقوا في الغار ما فيش ابو بكر قال له يا رسول الله ما طب ما هياخذ البراك ويبقى مرة زي دي ونطلع. لا يا جماعة المعجزة اسست على البراق ولكن الهجرة اسست على الفراق لازم تاخذ بالاسباب تعالوا بسرعة كده بقى ندخل في سيرة النبي صلى الله عليه وسلم سريعا هسردها سردا واذا يسر الله واجتمعنا ودبر لنا الخير ان شاء الله نكمل السيرة ونفصل فيها آآ بالتفصيل يعني ان شاء الله. تزوج عبدالله بن عبد المطلب الكريم الكريمة امنة بنت وهب. وحملت بالنبي صلى الله عليه وسلم. انا لا اتكلم معك عن سيرة ميسي الجماعة حب الكورة ممكن يديني قلبه ويهتم اكثر. انا اتكلم على اعظم سيرة. سيرة من لولاه ما كنت انت ها هنا وما كنت مسلما. فمن يعني اقل درجات الشكر لهذا النبي ان نتعرف عليه صلى الله عليه وسلم. اما تزوج عبدالله او ابن عبدالمطلب بامنة بنت وهب حملت بالنبي صلى الله عليه وسلم ورأت في منامها انها وضعت نورا اضاء لها الاضاءة له قصور الشام. شافت رؤية كده كده. وبعد شهرين من هذا الحمل المبارك توفي عبدالله. ابن عبدالمطلب مين؟ والد النبي صلى الله عليه وسلم. يوم الاثنين على خلاف بين اهل العلم اتناشر ربيع الاول من عام الفيل ولد سيد الخلق دليل على الحق سبحانه وتعالى. كانت امه قليلة الحليب. فارضته سوية ثم حليلة عادية. كان له سبعة اخوة من الرضاعة. ولم يكن له اخ او اخت اشقاء. من هم السبعة؟ حمزة وابو سلمة بن عبدالاسد وابو سفيان ابن الحارث ومسروق وعبدالله وانيسة والشيماء شق جبريل النبي صلى الله عليه وسلم صدر النبي صلى الله عليه وسلم. وهو رضيع عند حليلة السعدية. وغسله بماء زمزم وختم على ظهره بخاتم النبوة. حتى لا يصل اليه الشيطان فاصبح معصوم الاقوال والافعال. صلى الله عليه وسلم. وخاتم النبوة هو عبارة عن لحمة بارزة في مكان القلب من الاليه من الخلف من الظهر. بحجم بيضة الحمامة بعد عامين عاد النبي صلى الله عليه وسلم في الرضاعة يعني الى امه. ثم توفيت امه وعمره ست سنوات صلى الله عليه وسلم وعشان تعرفوا قد ايه المتاعب يتيما فاوى. كفله جده عبدالمطلب وبعد عامين توفي جد النبي صلى الله عليه وسلم فكفله عمه ابو طالب. يبقى عنده كم سنة تمان سنوات مكث عند عمه صلى الله عليه وسلم وعمل معه في رعي الغنم وفي التجارة مع ميسرة من ميسرة غلام امنا خديلة ميسرة ده لازم تهتم به الميسرة ده كان الجسر. اللي عرف الحبيب على الحبيبة صلى الله عليه وسلم ورضي الله اعلم والحقنا الله بمكانها فتاجر مع ميسرة تكلم ميسرة كثيرا عن ايه؟ عن النبي صلى الله عليه وسلم وامانته عند خديجة. بعد ذلك تزوج النبي من امنا وكان عمره خمسة وعشرين سنة وعمرها اربعين سنة رزق منها القاسم وزينب رقية ام كلثوم فاطمة عبدالله كلهم ماتوا في حياته صلى الله عليه وسلم الا فاطمة ماتت بعده بستة اشهر. قال الذهبي عنها كانت تذوب بعدما مات ابوها صلى الله عليه وسلم ستة اشهر تذوب حتى ماتت فاطمة ديت فيها معنى كما انا اشرت اليه. قبل كده في دروس التراويح. من اجل ما فعلت انها صبرت شوفوا النبي صلى الله عليه وسلم لما خديجة ماتت كان دا عام الحزن ما تحمل فما بالك بمن تحملت فراق خديجة وفراق محمد وفراق ام كلثوم وفراق رقية وفراق زينب راع عبدالله فراق القاسم. كل دول او مال يموتوا قدامها. فالوحيد اللي كانت متشبسة به من محمد فما طاقت الحياة بعده انت بتعيش ليه فذابت صلى الله عليه وسلم رضي الله عنها ولحقت بابيها. كان معروفا معروف صلى الله عليه

وسلم بالصادق الامين. ومعروف بالحكمة لم يسجد لصنم ولم يشرب خمرا. بعد الاربعين بدأ يرى صلى الله عليه وسلم رؤيا صالحة.

ويرى نوره ويرى نور

الملائكة يسلم عليه الحجر والشجر كما سيأتي بالتفصيل ان شاء الله. حتى جاءه جبريل عليه السلام في غار حراء بيقراً ومن يومها ومن يومها صار وانتقل من الصادق الامين الى سيد المرسلين. محمد صلى الله عليه وسلم. ودي بركة

قرآن. القرآن هو اللي كان ايه؟ النقطة الفيصل في المعادلة ما كنت تدري ما الكتاب ولا الامام. لكن جعلناه نورا. لما جه القرآن الميزان طب رحت في حنة تانية خالص. وكذلك القرآن اذا دخل

قلبك ذهب فزعا الى زوجته خديجة ده السنه. ما رحش لقبيلته ما رحش لاصدقائه وراح للسمه. ولزلك في يوم من الايام كنت اسأل احد مشايخ فبقول له ايه الوصف الوحيد

ان انت تحب يعني تتمنى ان الشاب اللي يريد ان يتزوج ان يمن الله عليه بذلك قال ان تكون حية وتكون خديجة امرأة خديجية. كن محمدا تأخذ خديجة. عشان واحد يقول لك اه والله يا اخي سبحان الله فين خديجة دلوقتي؟ ماتت يوم مات محمد صلى الله عليه وسلم

تمام ثم انقطع الوحي عنه اياما الى ان اتت سورة المدثر قم فانذر وصارت دعوة النبي في مكة وصارت دعوة النبي صلى الله عليه وسلم في شقين شق في مكان في مكة والمدينة والمدينة هيجي معنا ان شاء الله

في في الهجرة في مكة كانت الدعوة في البداية سرية ثم جهرية. واول من دعا صلى الله عليه وسلم دعا اهل بيته فاسلمت خديجة وبناتها. ثم بعد ذلك اسلم علي فهو من اهل بيته. ثم زيد فكان معه ثم

من خارج بيته فكان اول من اسلم ابو بكر. الصديق. ثلاث سنوات سرية. اسلم فيها القليل من البشر لما نزل قول الله عز وجل فاصدع بما تؤمر بدأت الدعوة تكون ايه؟ جهرية. وصعد على الصفا قصة مشهورة واعلن انه ايه؟ رسول

رب العالمين. من هنا بدأت المعارك بعد ذلك بدأت الياه؟ المعارك مع النبي. كان اول رد فعل ان هم ذهبوا لعنه لما ايه قال له تبت يدك تبت يدك اه لهذا جمعتنا؟ بعد كده راحوا لعنه. ذهبوا الى عمه ليمنع النبي

صلى الله عليه وسلم هنا الحديس. بقول له لا بلاش بقى انت ايه احنا ساكتين عليه عشانك. فلولا رهتك لرجمناك. فاحنا ساكتين عشان محمد. فذهبوا النبي يحاورونه فلم يرد عليهم الا بالقرآن والاخلاق

بدأوا يحاربوا الدعوة. هيحاربوها ازاى؟ بدأوا يساوموا النبي صلى الله عليه وسلم ويساوموا اتباعه وبدأوا يفتروا عليه ويشوشوا عليه وبدأوا يعارضوا القرآن. انت هتجيب قرآن عندنا من هنجيب شوية اغاني. وهنجيب بقى لهو الحديث ونعمل شغل عالي جدا

وفعلا بدأوا يجيبوا الجواني وترقص وبدأوا يجيبوا ايه واغاني من الياه؟ من فارس وبدأوا ايه؟ يشتغلوا والكلام ده ومن الناس من يشتري له والحديث حاولوا يحاربوا الفكر بالفكرة فابوا. واي مجتمع باطل اسس على باطل اذا فشل امام فكرة الحق قاومها بالبطش

فاتجهوا الى القوة وبدأوا تعذيب من اسلم وكانت فتنة كبيرة جدا. ولكن حمى الله النبي بعنه ابي طالب مع هذه الفتنة والفتنة قاعدة اما اقول تشتد امر النبي صلى الله عليه وسلم. ودي ادارة الازمات. كيف كان يدير الازمات؟ عشان هيجي معنا النبي

وقائدا ان شاء الله وكأنه ما بعث الا قائد فادار الازمة فارسل اصحابه الى الحبشة فكانت الهجرة الاولى عدد الذين هاجروا الى الحبشة احد عشر رجلا حداشر رجل واربع نسوة. واربع نسوة

لو عملوا اثباتهم سابوا البيت طب والاطفال؟ طب والفلوس؟ طب والشجرة اللي كانوا قدام الدايب دي؟ طب والداية خلاص يا جماعة عشان تعرف يعني ايه مهاجر مهاجر ده يعني انت النهاردة طالع من بيتك

عارف البرج اللي انت ساكن فيه بتاعك ده وعارف العربية اللي تحت دي وعارف حسابك في البنك. انت سبت المفتاح في الباب ما لقيناش هيفرق كتير جدا مع بوجا هيكسر الباب ويأخده. فمش فارق الباب مفتاح ده

تعمل ايه؟ تسبب بيتك وتسبب كل حاجة وما ينفعش تاخذ حاجة على كتفك لان هيعرف انك مسافر. لازم تمشي ماشي عادي جدا. ما حدش واخذ باله منك. وتسبب كل حاجة

وتترك كل حاجة ده كان اسمه مهاجر. عشان كده عمال تعرف يعني ايه يقول لك والمهاجرين هاجروا؟ اه الاخوة اللي هم ايه؟ راحوا من مكة للمدينة. لا ما كانوا طالعين طالعة

انت عارف يعني ايه عبدالرحمن بن عوف كان سيد اغنياء مكة وبعدين يروح الانصار يصعب عليه اخوه يعني يصعب عليه سعد

عبدالرحمن بن عوف فيقول له ايه؟ سعد ابن ابيه يقول له طيب تعال تعال خد مني النص واحنا النص ونقسم مع بعضنا

بتاعه كلمة كبيرة قوي ابو بكر ابو بكر يطالع مش معه حاجة ده يعني مهاجر يا جماعة. هاجروا الهجرة الحبشة بعد ذلك عز الله الاسلام باسلام حمزة اسلم حمزة ثم اسلم الفاروق. كنا اذلة حتى اسلم عمر

عمر لما اسلم بس خلاص بقى بينوا عيني معانا اخ يحميننا. عشان كده الحسن البصري بيقول كلمة جميلة جدا بيقول يأتي الاسلام يوم القيامة فيقول يا ربي هذا نصرني وهذا خذلني وهذا

نصرني ثم اذا رأى عمر قال يا رب كنت ذليلا حتى اسلم هذا عمر ده بقى عمل ايه؟ قلب المعادلة كلها عمر رضي الله عنه. عمر الفاروق

اسلم. لكن تصعبت المهمة طبعا عما دول اسلموا

قاب وعز بس الصغيرين ايه؟ اتبهدلوا في العذاب فلما تصاعدت المهمة مع قريش ما العذاب وما فيش امل بدأوا يغفروا النبي صلى الله عليه وسلم قال لك ندخل ايه؟ بالابضيت الجديد. ندخل اغراء. بدأوا

النبي صلى الله عليه وسلم بالمال لو عاوز فلوس عاوز الملك عاوز تبقى الرئيس بتاعنا قلها وخلص ونديها لك. اذا اردت ملكناك. ابو جهل ابو جهل ده مش طمعان في السلطة ولا عايز يسيبها الصبح. واذا اردت النساء زوجناك اجمل نساينا يبقى لان ولا مش لانو؟ لانو طب ايه رأيك بقى كنت تاخذ الملك يبقى انت الامير وتاخذ فلوس مكة ويبقى الفلوس معك يبقى الملك معك تجيش الجيش الشباب كلهم يبقى معك. والفلوس تبقى معك

ليه النبي رفض العرض ده؟ تعرفوا ان شاء الله واحنا بنعلق على السيرة تعارض على النبي صلى الله عليه وسلم ذلك فابى. فطلبوا منه المعجزات من باب احقاق خلاص خلاص. مش انت نبي؟ اه. ارنا

ملائكة جبريل يبجي عمال يبجي يرنا علينا وخلي الاخوة كلها تتفرج وتشوف. احيانا بعض الناس يدريك ايه؟ في ادلة كتير حق لا يروح معجزك فيجيب حاجة تانية او مكة دي كلها صحرا احنا عاوزينها تجري من خلالها الانهار. ادينا نار كده. نقول لك على حاجة سهلة خالص وياما اتعملت اه

طرق امامنا هكذا تطلع فوق فوق تطلع كده زي الاسانسير دلوقتي الاحاسيس ده انت مستوعب لكن ايامه ما كنش فيه. ترقى تطلع كده تطلع تطلع تطلع وتجب لنا كتاب من فوق. خلي بالك ولا لنؤمن لرقيك. لا الحتة دي عارفينها في اخوة بيعملوها كتير اما تطلع وتجب لها شوف التعجيز فبدأوا يعجزوا النبي صلى الله عليه وسلم. ويطلبوا ان الانهار تجري لهم في جزيرة العرب. فما نفعت تلك الحيل معهم فعادوا مرة اخرى للبطش الجسدي. بدأت الهجرة التانية الحبشة التانية. والحبشة التانية ديت طبعا انا بمر سريعا عشان بس الخيط النازم للسيرة. الحبشة

كان فيها كم واحد اتنين وتمانين راجل وتمتاشر امرأة طبعا فاتني اللي انا اقول في الاولى كان بنت النبي صلى الله عليه وسلم. زوجة عثمان تبقى مين مين زوجة عثمان؟ طب مين زو نور

طب مين النورين اللي هو ايه بقى؟ اللي يتكلم يتكلم كلام مفكوك كده نسمعه مين اللي بيتكلم؟ قل زينب ورقية سيد ابو ايه وام كلثوم ام كلثوم ورقية فاطمة وعائشة. وام كلثوم ورقية. اتفقت قريش على الضغط على النبي صلى الله عليه وسلم فقطعوه في بني فقاطعوه في الشعب

فاتحبس بنو هاشم وبنو عبدالمطلب في ناس كفار ايام زمان كان في كفار جدعان. فلما حبسوا النبي صلى الله عليه وسلم وقاطعوه في الشعر. في شعب ابي طالب كده زي حي كده ايه

بين الوادي كده انتم فراحوا مجموعة من الكفار قالوا له لا ما نسبش ايه اهل القبيلة عندنا ايه يتحبسوا فدخلوا ايه البند بتاع المقاطعة عامل لهم حصار كده. ايه بند الحصار؟ لا للزواج منهم

لا يتجوزوا منه ولا نتجوز منهم ولا نجالسهم ولا نبيع ولا نشترى منهم وكتبوا ذلك في صحيفة وعلقوها على الكعبة لله هي لله والله احنا المهم ايه حطوها على الكعبة. تجمع بنو هاشم وعلي عبد المطلب في الشعب ثلاث سنوات

ومقاطعة كان الوضع مأساوي جدا حتى اكلوا ورق الشجر ولا يجدون ما يأكلون خرج في يوم من الايام نفر من قريش كفار صعبوا عليهم خالص ايه قرايبهم دولا او هلا

ذهبنا الى الصحيفة فمزقناها. كفاية قوي كده حصار عيب. فقال لك تعال نقطع الصحيفة دي. فراحوا لقوها ايه؟ اكلتها دابة الارض. حشرة قاعدة كلت الياه؟ الا موضع باسمك الله ثم

فعرفوا ان الموضوع يلا يا جماعة بقى وخلص وبتاع وبوسة يمين وبوسة شمال ونرضي الكفار دول والموضوع انتهى وفكوا الحصار. مات ابو طالب بعد تلك المقاطعة على الكفر والعياذ بالله. وحزن النبي عليه اشد الحزن. كان يقول والله ما نالت مني قريش ما نالت

الا بعد ما مات عمي بيقول ما حدش كان يجرأ يجرؤ انه ينزر الي ويحد النزر فضلا ان يمد ايدي ثم بعد هذا الحزن جاء حزنا اعمق سقط عمود بيته. خديجة رضي الله عنها. ماتت خديجة فعقد النبي

صلى الله عليه وسلم بعد خديجة عقد على من عقد على من عقدة عقد على عائشة وسودة قيل بدأ هو عقد على عائشة وبنى بها في المدينة. وخلاف بين اهل العلم هل بدأ بسودة ام عائشة؟ المهم

في اتنين. بعد وفاة ابي طالب اشتد ايداء قريش للنبي صلى الله عليه وسلم. وذهب النبي الى الطائف ليساندوه. طب تعال نروح للطائف. نعلمهم ويسندونا لكنهم اذوه وشتموه ورجموه في القصة المشهورة. عاد الى مكة منكسرا حزينا صلى الله عليه وسلم. ثم

ياتي جبريل

ملك الجبال فيقول يا محمد ان معي ملك الجبال اذا امرت ان اطبق عليهم ان يطبق عليهم الاخشبين لفضل. قال الرحمة المهداة لا اه لعل الله يخرج من اصلاهم من يعبد الله وقد فعل. دخل مكة في جوار المطعم ابن عدي

طعم ابن عدي ده رجل كافر مش عارف يخش فقال خلاص يا جماعة ده عندي ما حدش يبجي ناحيته. كانوا زمان برضه ايه الكافر لو قال عندي يبقي عندي ما فيش حد ايه يبجي ناحيته. طب ما بعد سنوات كان الشيخ كشك الله يرحمه يقول لك البوزان باز والكفر كفر. بعد سنوات تأتي هبة رحلة الاسراء والمعراج تيجي رحلة الاسراء تثبت وتسلي قلب النبي صلى الله عليه وسلم. رحلة بدأت بعد العشا وانتهت قبل الفجر. جاء جبريل نبيه صلى الله عليه وسلم واخرجه من بيته الى الكعبة. هناك شق صدره واخرج قلبه وغسله بماء زمزم. وملأه وحكمة ثم ركب اياه معه دابة البراق الى بيت المقدس. فوجد جميع الانبياء والمرسلين. كم نبي عدد الانبياء كم مية اربعة وعشرين الف نبي وعدد الرسل تلتمية وخمستاشر رسول. اقيمت الصلاة وقدم جبريل النبي صلى الله عليه وسلم اماما. ثم بسلم المعراج وعرج بالنبي الى السماء فوجد في السماء الاولى ادم عليه السلام ابو البشر. ثم وجد في الثانية ابن الخالة يحيى وعيسى عليهما السلام. ثم وجد في الثالثة من اعطي شطر الحسن. يوسف. ووجد في الرابعة ادريس والخامسة هارون والسادسة موسى والسابعة ابراهيم. ثم دخل الى الجنة وتجول فيها وفيها يقول عنه ربه ما زاع البصر وما طغى. صلى الله عليه وسلم. ثم وقف جبريل عند اطراف السماء السابعة. قال يا محمد لا ينبغي لي ان اتقدم فتقدم دا اخري دا مكاني انا هنا. فقولوا ان يقول النبي فوجدت جبريل كالحلس البالي من خشية الله جلس البالي دي القماشة بتاعة المطبخ اللي بتكون ايه؟ متكرمشة كده ايه؟ او الفوطة اللي بتمسح بها العربية. حاجة كده ايه متمسكة كده يقول آآ النبي صلى الله عليه وسلم فوقف جبريل عند اطراف السماء وتقدم النبي الى موضع لم يصب اليه بشر ولا ملام حتى سمع صلى الله عليه وسلم صريف الاقلام اقلام الملائكة وهي بتكتب اقدار وعقيدية الله عز وجل. ثم وعاد هناك كلم الله موسى وكما اعرج به قال تلك معراج امتك فاعطاه الصلاة صارت الصلاة هي المعراج الذي يعرج بك. ثم عاد الى جبريل ثم عاد الى بيت المقدس ثم ركب البراق وعاد الى مكة وهذه القصة كانت سبب لكفر من كفر وارتد من المسلمين. قال له لا بقى ابوراك وتسيبني انا هسيبك بعد العشاء. وتقول لي ورحت وجيت ولما ضياء وادريس دي مش هقدر اجيبها. اما يا ابو بكر قال هو قال؟ قال له اه. قال له انا مصدقه في اللي اعمق من كده انا صدقته ان هو ربنا بك انزل اليه وحي مش انا اصدقته هدية. طالما معه النصير ومعه القدير. الحاجة ديت خلاص انتهت سمي من يومها الصديق ابو بكر الصديق اه عندها بدأ النبي صلى الله عليه وسلم طبعاً طلبت قريش منه معجزة. قالوا له طيب مش هي كده اكن دي مش معجزة يعني. فطلبوا منه معجزة اخرى هذه المعجزة طلبوها تكون محسوسة متشافة فشق الله لهم القمر اقتربته ساعة وانشق القمر فكذبوه. قالوا كده ايه؟ سحرنا سحر ابن ابي كبش ياخ عليك سحر يا اخي خلاص ما هي فيه ناس كده كان في يوم من الايام يحكى ان في طائر واقف بعيد كده. واحد بيقول له ايه دي؟ قال له ده عنزة. قال له يا عم لا ده طائر قال له يا عم عنزة. قال له طائر. قال له عنزة. قال له طيرة. قال له طيب ايه ومسك حجارة؟ قال له هس فطارت. قال له عنزة ولو طارت. باين برضو. شايف رجليه اربعهم بيطيروا حبيبي. عادي بتحصل. انا ابن خالتي كان مرة وراني عنزة وانا صغيرة بتطير. ويعيش بقى ويطير في احلامه. في ناس كده لو شاهدت عليه اعضاء وقالت له على فكرة انت بتكذب. زوجتك ما عملتش كده يقول لها لا انت مش واحدة بالك. عشان كده يستلم كتابه بشماله من وراء زهره. نسال الله العفو والعافية اللي ما بيتوبوش هؤلاء عندها بدأ النبي يدعو قبائل العرب والوفود عطر في وفود من مين؟ من المدينة. وكانت بيعة العقبة الاولى. ثم ارادوا ان يرسل معهم احد فارسل معهم مصعب سفير الاسلام الفتى المدلل القرشي لازم تحبهم اصعب بعض ثم في السنة الثانية اتى ومعه اكثر من سبعين من الانصار وتمت بيعة العقبة الثانية. بيعة العقبة دي باختصار يعني ايه؟ اتفاق بين بين المدينة وبين بين النبي. تعال نحملك. خلصت وما فيش حد هيقرب منك هاجر امر النبي بالهجرة الى مكة. ثم هاجروا الى المدينة مثنى فرادى نساء ورجالا في خلال شهرين لم يبق في مكة. انسان مسلم الا المعذور اللي مش قادر يطلع ومحمد وابو بكر وكان ابو بكر يريد الهجرة فيقول وهو النبي لا تعجل لعل الله يجعل لك صاحباً. اصبر يمكن في واحد صاحب يجي معك وما كان يخطر على قلبه انه محمد حتى يخلد الله ذكره في كتاب لا يمحوه الماء تقراه يقزان ونائماً ثاني اثنين اذ هما في الغار الا تنصروه فقد نصره الله اذا اخرجهم الذين كفروا شف في هذه الاية عاتب الله الخلق جميعاً الا ابو بكر كلكم لو مش تنصروه انا انصره يوم ما نصره ابو بكر وانا نصرتهم هم اللاتنين رضي الله عن ابي بكر هاجر النبي وخرج مع ابو بكر. اعلنت قريش عن الجائزة الكبرى من يأتي بمحمد فله مائة ناقة خرج النبي مع ابي بكر واختار واختبأ في غار ثور ثلاثة ايام. وكانت اسماء تأتيهم بالطعام. بنت ابيها كانت تأتيهم بالطعام والكفار

وصلوا للغار ولكن الله حمى نبيه. خرج ابو بكر متوجها الى المدينة وكان معه عامر ابن مين؟ ابن فهيرة. مين عامر ابن فهيرة ده ايه يا راجل ابو بكر ابن اخته ولا ابن اخوه مولى ابي بكر مولى ابي بكر كان خادم عنده. عامر ابن ايه فهيرة يبقى خادم عنه وعبدالله بن اريقط وده كان صاحب له وهو ده الدليل وكان مشرك

واسماء كانت بتجيب الطعام وغنم ابو بكر عن عبدالله بن كان عامر ابو فهيرة ياخذ الغنم وايه ويمشي على الاسار. بيت ابو بكر كله شارك في اخفاء وحماية النبي حتى الغنم بتاعة ابو بكر. شاركت فين في حماية مين؟ محمد صلى الله عليه وسلم. خرج النبي متوجها الى المدينة

لمنطقة قباء قرب المدينة في يوم الاثنين الثاني عشر من ربيع الاول سنة اربعتاشر من بعثته. يفكركم بحاجة التاريخ ده بتاريخ مولد محمد صلى الله عليه وسلم. فكأن هذا التاريخ تاريخ مولد البشرية

جلس النبي في قباء اربعة عشر يوما ليلة. واحتفى به الانصار وبنى مسجد قباء. ثم دخل المدينة وسط اجواء من المرح والفرح والتحميد والتكبير وان كان طلع البدر علينا والقصيدة ديت كثير من اهل العلم يضاعفها. تقدمت ناقة النبي صلى الله عليه وسلم حتى بركة

في ذلك الموضع الذي بعد ذلك بني فيه مسجد ايه؟ مسجد النبي. بتاع مين الارض اللي بالارض دي؟ اللي بنى فيها المسجد الناقة دي وقعت في مكان كده في ارض. قال لهم الارض دي بتاعة مين؟ قالوا كزا. عايزين نشترها؟ رفضوا. كان ارض مين ارض مين؟ بنو النجار. ركزوا في الجملة دي. لو ما طلعتوش الا بسيرة النبي والسطر ده يبقى كويس. بنوا النجار دول النبي صلى الله عليه وسلم قال لهم انا عاوز ابني جامع هنا

قالوا يا رسول الله والله لا نبني هبة في سبيل الله عارفين المسجد النبوي كنت تعبانة نجار الارض دي. اجرهم قد ايه بقى يا بخت اللي بيوقف شيه في سبيل الله. شفت

ماتوا شبع موت واجرهم فين؟ كفاهم ان محمد مدفون في ارضهم صلى الله عليه وسلم. عاوزين ايه تاني؟ بنو النجار دول. نزل النبي عند ابي ايوب وبنى هناك حجراته في شوال في سنة واحد هجرية. دخل النبي على عائشة بنى بها يعني. وكانت من احب نسائه اليه. غير النبي اسم يثرب الى طابا وطيبة والمدينة. بنى المسجد النبوي وبين مهاجرين والانصار وشرع الاذان في تلك السنة استنكر مهاجرون ماء المدينة الماء صعب جدا مش عارفين نشربه

فقام الفتى عثمان رضي الله عنه واشترى بئر رومية واشترى بئر روما وراح واخذ البئر ده من يهودي ويشربوا الماية العزبة دي سبحان الله وسبلها اي اوقفها للمسلمين. جاء الوحي بتشريع الجهاد فغزا النبي صلى الله عليه وسلم واحد وعشرين غزوة. اولها ابواء واخرها

تبوك في منتصف رجب في سنة اثنين هجرية. جاء الوحي بتحويل القبلة من بيت المقدس الى الكعبة في شعبان سنة واحد هجرية في سنة اثنين هجرية فرض الصيام. فصام الى وفاته كم صيام

مم احنا في شعبان اهو يبقى صام كام تسعة تسع رمضانات صامهم النبي صلى الله عليه وسلم. وفي شعبان فرضت زكاة الفطر. في رمضان وقعت غزوة بدر يوم الفرقان وكانت

والتحول كبيرة جدا وقلب موازين القوة في المنطقة وكسرت هيبة المشركين. بعد غزوة بدر توفيت ورقية وزوجة عثمان عثمان ثم تزوج علي فاطمة خلقت منه مين الحسن والحسين ومحسن وام كلثوم وزينب وام كلثوم وزينب يفكروكم بحد

اسماء مين ام كلثوم وزينب اخواتها يا لها من محبة عشان تعرف قد ايه جرح ما زال ينزف داخلها. فسمت باسماء مين؟ اخواتها في سنة اه في السنة الثانية ايضا حاصر النبي يهود بين بنو قين قاعة. يهود بني قينقاع حتى استسلموا ثم طردهم. في ربيع الاول من سنة ثلاثة

هجرية تزوج عثمان من مين؟ من الثانية اللي هي مين؟ ايوة كده احسنتم من ام كلثوم. في شعبان ثلاثة هجرية والله يا جماعة احفزوا الحاجات دي. احفزوها اعتبرها يا اللي بتحب الكورة. اعتبرها الفريق الاحتياطي في برشلونة. معلىش تعال على نفسك واحفزهم

في شعبان ثلاثة هجرية اه سبحان الله شف بنضرب امسلة ازاى؟ كان احد السلف يقول نتمنى ان تهتموا بدينكم كما تهتموا باحذيتكم اتلم على الحزاء وتتضفه ما ينفعش تطلع كده عليه ترابة من قدام. ينفع؟ تخش على الناس يقولوا ايه يعني؟ يا اللي عندك قرابة من قدام. فتتضف ترايك. طب نصف قلبك. نصف عقلك

اهتم بدينكم لمعوا زين. في شعبان ثلاثة هجرية تزوج النبي من حفصة بنت الفاروق منتصف شوال سنة ثلاثة هجرية وقعت غزوة احد. في غزوة احد عصي امره صلى الله عليه وسلم وكسرت اسنانه وشج رأسه صلى الله عليه وسلم

ومات سبعون من خيرة اصحابه فكانت اختبارا لحقيقة المحبة وظهر النفاق وظهر الطاعة وظهر الحب. في ربيع الاول من سنة اربعة هجرية ادلى النبي يهود بني النضير. بعدما ارادوا قتل خشامت في شوال اربعة هجرية. تزوج النبي من هند بنت امية بنت ابن المغيرة تبقى مين تاني تزوج النبي من هند بنت امية بنت ابي امية ابن المغيرة يبقى مين؟ واضحة جدا اهي. واضحة. يبقى



مين؟ يبقى عايشها. صح ام سلمة احسنت كانت من اكمل النساء خلقا  
واخر من توفي من أزواج النبي. توفيت سنة واحد وستين هجرية. في السنة اربعة هجرية تزوج النبي بامر من الله بزینب بنت  
جحش. تقول عنها عائشة رضي الله عنها لم ار امرأة قط  
خيرا في الدين من زينب ودي كان فيها مش عاوزين نعلق عليها. يعني شف اما تبقى واحدة درة بتقول على ايه؟ على اختها ايه؟ لم  
ار امرأة قط خيرا في الدين  
من زينب توفيت في خلافة عمر سنة عشرين هجرية وهي من لحقت بالنبي من زوجاته. كان بيقول اسرعكن لحوقا اطولكن يدا  
فكانوا يقيسوا بعض كده ايدي ايديك ودي ايديك كده لآ فماتت زينب وكانت ايديها مش كبيرة فاولوها على ايه الصدقة  
فكانت ايه؟ عرفت ان ايده طويلة معناها ايه كثير الصدقة في شعبان سنة خمسة هجرية وقعت غزوة بني المصطلق اللي هي  
المريسيع. والغزوة دي حصل فيها مشكلتين. المشكلة الاولى كانت من ابن سلول والثانية من ابن سلول. الاولى  
بين المهاجرين والانصار حاول يوقع في بعضهم بسبب المنافقين والثانية كانت حادثة الافك. وانزل الله قرآنا يبرئ فيه امنا عائشة في  
شوال خمسة هجرية حدست غزوة الخندق عشر تلاف مع ابو سفيان رايحين ايه يقاتلوا تلت تلاف من المسلمين انا عارف ان البعض اا  
هو بس

انت عشان احنا مش بنسقط فوائد بس احنا بنحاول بس نمر على السيرة سريعا. ندي فهرس كده. ان شاء الله ازا يسر الله المرات  
القادمة هنعلق على السيرة ايه اه ونقرأها باستفاضة يعني. بعد المعركة انصرف الكفار وعاد النبي الى بيته. بعد غزوة الخندق. رجع  
النبي لبيته  
فجاءه جبريل يأمره بقتال بني قريظة لانهم حرصوا على النبي صلى الله عليه وسلم وايه خالفوا امره فحصرهم النبي صلى الله عليه  
وسلم حاصرهم حتى استسلموا وجعلوا حكمهم لسعد بن معاذ فحكم بهم بحكم مشهور جدا هنعرفه ان شاء الله. وآ قيده  
النبي صلى الله عليه وسلم بعد الحادثة دي توفي سعد بن معاذ متأثرا بجروح كانت قد امت به في هذه الغزوة. شف عائشة بتقول  
ايه طبعا لما مات النبي صلى الله عليه وسلم قال اهتز له عرش الرحمن. عارف يعني ايه عرش الرحمن؟ يهتز الواحد قسم ست سنين  
بس

صعب معزة من نعيم اهل الجنة ان فيها سعد سعد بن معاذ انك تتلزز وتقع مع سعد بن معاذ. تقول عنه عائشة ما فقد احد بعد محمد  
وصاحبيه مسل سعد بن معاذ  
بكى عليه النبي وما من بيت في الانصار في المدينة الا وبكى عنه عليه. سعد بن معاذ ده كان حاجة يعني كالشمس وضحاها بالنسبة  
للمدينة ذو القعدة سنة ستة هجرية رأى النبي رؤيا انه يدخل مكة مع اصحابه امنين محلقيين رؤوسهم ايه؟ قيل ومقصرين  
فامر بالذهاب لمكة. انا شفت رؤية يا جماعة يلا اللي احنا رايحين نعمل عمرة يلا ونعمل عمرة. خافت قريش من دخول النبي فارسلت  
خالد بن الوليد عشان تعرفوا خالد نريد ركزوا في الايه؟ في الكلام ده  
النبي صلى الله عليه وسلم راح يعمل العمرة قريش راحت مطلعة مين؟ خالد ابن الوليد وكان لسة كافر معه كتيبة لما اقترب الفريقان  
من بعضهم انزل الله رخصة صلاة الخوف في الحرب. لا يا جماعة ده خالد ده بقى ده عاوز صلاة خوف. يعني هتصلي خوف ازاي؟  
تصلي وعينك على خالك

ده ما بيقولوش ايه؟ ما ينفعش ده مرحلة الوحش. ما ينفعش تهزر معه خالد بن الوليد لما رآه النبي صلى الله عليه وسلم سلك طريقا  
اخر. قال لا يا جماعة خالد ده مش هينفع بقى نقابله. تعال ايه احنا مش عاوزين مشاكل مع حد. وارسلت  
قريش الى ان اقترب النبي من مكة خلاص داخل بقى ومعتمرين وكده فدخلت قريش قالت منعت النبي. قالت له انتم رايحين فين؟  
رايحين نعمل عمرة. ده احنا قال لها لا لا ما فيش حاجة اسمها عمرة والكلام ده. قال لهم يا جماعة قد جئت محرما. وسقت الهدى. انا لا  
جاي حرب

ولا بتاع احنا جايين نعمل عمرة وماشيين. فقالوا لأ. المهم ارسل النبي عثمان لابي سفيان يفوضه. طب روح يا عثمان رح انت فوضى  
قال له يا عمر الاول عمر رفض قال له يا رسول الله انا رايح انا رايح بعركة اصلا انا طالع من مكة قلت لهم لو فيكم راجل يقابلني انا  
طالع دلوقتي. فالجماعة دول لو دخلت

قولوا لي انت فليس لي من يحميني. اما عثمان فقبلته كلها موجودة. وكانوا زمان ما ينفعش واحد يخدش واحد. عثمان لما راح اكرم  
فتبطأ ابطأ عندهم تأخر. فشاع في الناس ان عثمان قد قتل. فقام النبي كان تحت شجرة  
قال من يباعدني على الموت بس والله احنا ما يعني انت مش قلت لنا عمرة؟ انا جاي على عمرة والله وبتاع. توصلني نسيت طب  
اشوف الموبايل كنت سايبه في الشاحن. عارف الاخوة اللي هم ايه؟ اول  
فيقولوا ايه في الجد يا اخي الى الله اركبي اركبي. ربنا يعينك. وقال النبي صلى الله عليه وسلم وقال ايه؟ وكان واقف تحت الشجرة.  
قال من يباعدني الموت. شف سبحان الله نكوع كان نايم. بيقول انا صحيت فرجت عيني كده سمعت صوت  
فلقيت النبي صلى الله عليه وسلم يقول من يباعدني؟ فقام ابو ايه؟ ابو سنان الاسد وقال انا اباعدك يا رسول الله. فكان اول من بايع.

قال علي اي شيء تبايعني؟ قال على ما في نفسك

انت عارف اللي في نفسي على الموت شيك على بياض انا مديه للامة دي رسول الله انا مش هنفاضك اللي اهل الاستقامة الحقيقيين لا يفصلون في هذا الدين ما تفاصلش مع ربك. قل يا رب انا مش قادر اعني لكن ما تفاصلش فابو سنان بايع النبي فهو سمع ابو سلمة وواقع على الموت ولسه هصحى نام تاني لا قام وبايع النبي رضي الله عن المؤمنين اذ يبايعونك تحت الشجرة. الموضوع مش محتاج مؤتمرات وتكليفات. محتاج قلوب شرف اجتماع في التاريخ كان تحت شجرة الف وربعمية واحد يقول عنهم النبي من خيرة اهل الارض انذاك. هم اللي بايعوا النبي صلى الله عليه وسلم. لما علمت قريش بالبيعة ارسلت عثمان لا يا عم رح ده بيقولوا لي انت مت. وبدأوا يصلحوا النبي صلى الله عليه وسلم. المهم حصل صلح الحديبية. وانتم ترجعوا وتيجوا السنة الجاية ما ينفعش تيجوا دلوقتي العرب هاتوا لي بقى لمحمد علم عليهم وروح لهم. فاحنا مش عاوزين كلام كثير انتم ترجعوا دلوقتي. حزن الصحابة حزنا شديدا وفي طريق العودة نزلت عليهم سورة فتح تهدئ من روعهم انا فتحنا لك فتحا مبينا. بالاجماع ان هذا الفتح هو الفتح. هو فتح صلح الحديبية

ومن بعثة النبي للحديبية حصل حاجات كثيرة جدا كان تسعناشر سنة انتجت الف وربعمية مقاتل. بعد الحديبية بسنتين انتجت عشر تلاف مقاتل فكان فتح ولا مش فتح؟ كان فتحا. بسبب الصلح تفرغ النبي لامرين للدعوة وللعو الدولد اللي هم مين اوعى تنسى يبقى هم مين خيبر خيبر يا يهود هتلاقي ان هم ايه؟ يهود يا خيبر في سنة سبعة هجرية في محرم اجلى النبي يهود خيبر في الوقت ده كانت من ضمن اللي اتأسروا صفية. بنت حبي. فعرض عليها النبي صلى الله عليه وسلم الاسلام فاسلمت فاعتقها ثم تزوجها. فكانت امنا

صفية رضي الله عنها تزوجها النبي. في رمضان سنة سبعة هجرية ذهب النبي الى مكة ومعه الف وربعميت مقاتل عشان يعملوا ايه؟ عمرة القضاء. احنا اتفقنا ان انتم ترجعوا وتجولنا السنة الجاية واعتمروا واقاموا ثلاثة ايام في طبعها هو داخل كان معه ايه؟ السيف فاهل مكة قالوا له نعم انتم جايبين تعتمروا ولا جايبين تطوفوا بقى بالسيف فقالوا لا تطوفوا الا والسيوف في اغمادها

سيفك في جرابه تلف كده لا فالنبي عارفهم ان هم ممكن يغدروا فجعل واحد اسمه محمد ابن سلمة معه متين واحد. قال له خد انت المتين دول احنا نعمل العمرة ونروق وبعدين ايه؟ انتم تيجوا تعملوا. تحمونا عشان لو حصل اي حاجة ما تخش انت بقى النبي بقى فيها ثلاث ايام. وهو راجع تزوج ميمونة بنت الحارس وكانت اخر زوجاته رضي الله عنه. عارفين ميمونة عارفين حد يعرف حاجة مع ميمونة بنت الحارث

امك امهات المؤمنين تعرف فيه شيء ما الذي تعرفه عن ميمونة؟ ميمونة بنت الحارث. تعرف يعني ميمونة انا اعرف بنت خالته فلانة مسمية ميمونة. لا تعرف ايه عن زوجة النبي؟ ميمونة. تعرفوا حاجة عن ميمونة اوعى تكون تعرف حاجة عن الجماعة اياهم وما تعرفش عن ميمونة في ناس عارفين عن ممسلين وفنانات اكثر ما يعرفه عن ميمونة بداية السنة ثمانية هجرية توفيت زينب وهي اكبر بنات. صلى الله عليه وسلم مين ميمونة بنت الحارس؟ خالة مين ايوة احسنت خالد ابن الوليد ودفنت في البقيع في صفر سنة ثمانية هجرية اسلم ثلاثة من كبار كبار اهل مكة يبقى منهم مين

سيف الله في سنة ثمانية هجرية في سفر اسلم خالد ابن الوليد وعمرو بن العاص وعثمان ابن طلحة ودي ميزة الائتمة اما بتبقى ايه في الرجولة. لما اصلا خالد خد الاتنين معه

عثمان ابن طلحة ده عيلته ماسكة مفتاح الكعبة. عمرو بن العاص اعلى واحد عنده دهاء في العرب واعلى واحد محنك سياسي وخير ابن الوليد خالد ابن الوليد. سيف الله فرح النبي فرحا شديدا لما اسلم وقال قريش اهدتكم افلاذ ابادها قريش كده خلاص ما عدش فيها رجالة في جمادى الاول ثمانية هجرية قتل غساسنة رسول رسول الله صلى الله عليه وسلم بعث النبي صلى الله عليه وسلم واحد فالغساسنة دول هما الروم الراجل ده وانتم عارفين ان الرسل لا تقتل دي فيها حروب لان الرسل تقتل زي السفير كده. فعد النبي جيشا وسميت غزوة مؤتة يبقى جمادى الاول ثمانية هجرية تلت تلاف مقاتل امام مكان

راحوا بقى وهم فاكرين بقى هنقاتل بقى لقوا ان في متين الف واحد من الكفار نعمل ايه والله برضو هو النبي صلى الله عليه وسلم ما كنش عارف وما كنش يقصد وكان برضو كان بس يقول لنا احنا نقول له يا جماعة ما ينفعش كده ما حدش حد يعملها تاني ونرجع لهن قتل فقتل زيد ثم قتل جعفر ثم ابن رواحة ثم اخذ الراية ايه؟ سيف من سيوف الله. شارك النبي في غزوة مؤتة لا ولماذا سميت غزوة؟ لان الغزوة لا تسمى الا اذا شارك فيها النبي

لان الله كشف له الغيب فكان يرى المعركة ويحدث الصحابة به وكأنه ايه؟ امامها. فيقول قتل زيد. ثم قتل جعفر. ويبكي النبي من

على المنبر ودموعه تنزل ان زيد ده كان النبي صلى الله عليه وسلم يبجبه حب شديد قوي في يوم من الايام قاعد كده وشايل الرداء من على صدره فصدف صدر النبي باين فخبط زيد فقال من قال زيد فقام والتزم ما كان يبجبه خالص. في يوم من الايام يعني حبه يعني ايه نشفع في حاجة قال لك دخل الحب من الحب في رمضان سنة ثمانية هجرية

اخلت قريش بالصلح صلح حديبية وغدرت بعشرين رجل من قبيلة خزاعة ودي كانت من حلفاء النبي صلى الله عليه وسلم. عشرة رمضان ثمانية هجرية اراد النبي وقرر فتح مكة. خلاص احنا خمس دقايق هنخلص ان شاء الله. وخرج النبي ومعه عشر تلاف مقاتل. متجها الى مكة ليفتحها

قبل دخوله مكة اذ بالعباس طالع ومهاجر وكان اخر واحد مهاجر من مكة رايح يسلم هو واهله. فقابل النبي صلى الله عليه وسلم في الطريق طلب منه النبي ان يذهب الى يمين ابي سفيان فيخبره ان يسلم مكة بلا قتال

جاء ابو سفيان الى النبي فعرض النبي عليه الاسلام فاسلمن ايه؟ ابو سفيان تسعتاشر رمضان ثمانية هجرية يوم الجمعة. دخل مكة ودخل المسجد الحرام صلى الله عليه وسلم وطاف بالكعبة وكان حولها

وستين صنم واخذ بمحنه صلى الله عليه وسلم يقول قل جاء الحق وزهق الباطل ان الباطل كان زهوقا. ويوقع منها ايه؟ اصنام. ثم امر بفتح الكعبة فهو فتحت له فدخل

ورضي الله عن من دخل معه اسامة وبلال دخل معه ثم اغلق الباب ولبت فيها طويلا رضي الله عنهم بلال واسامة ثم خطب في اهل مكة بعدما خرج وقال ما تقولون اني فاعل بكم؟ قالوا اخ كريم. وابن اخ كريم. قال اذهبوا فانتم الطلقاء. ما فتسعة عشر يوما. تسعتاشر يوم في مكة ثم خرج الى حنين قرب الطائف لان هوازن بدأت تجمع ناس وتقول هنقاتل محمد. وكانوا دول من الطائف فقيل ان يأتوا اليه احتشد هو اليهم

عدهم كانوا عشرين الف والنبي صلى الله عليه وسلم جاي مكة معه كم واحد عشر تلاف واسلم في اليوم ده الفين واحد مسلمة الفتح. فخرج معه كم انت عارف يعني اليوم اللي تسلم فيه يقول لك اركب احنا ايه يا جماعة انتم قلت ان في صلاة وفي احنا عارفين ان عندكم اعتكاف. مش انتم برضو في اتنين وخميس وفي ثلاثة ايام البيض وفي اذكار. طب احنا لسه ما قلناش الازكار. هنطلع ازاى

يا خيل الله اركبي في الوقت اللي جيت فيه تركب. سبحان الله! الله الصحابة دول رضي الله عنهم. اتنين الفين من مكة اسلموا في اليوم ده فدخلوا معه النبي. الاتنين دول بقى ايه مع الزحمة بقى ومكة لسه مفتوحة فقالوا الكلام ما كانش ينفع يتقال. قالوا ايه؟ لن نغلق

فاليوم عن قلة وبدأوا بقى ايه يمشوا في المزهرات دي. تفرق المسلمين في وقت الجد عن النبي صلى الله عليه وسلم عملوا لهم كماين هوازن دي كانوا عاملين اللي رايح منكم الطائف الطائف دي بقى طالعة فهم ايه وسط الجبال عاملين كماية. اصابوا جميع الناس. كله جري

ويوم حنين اذ اعجبتكم كثرتمكم سبحان الله! تفرق المسلمين عن النبي هيعمل ايه النبي صلى الله عليه وسلم؟ قال انا النبي لا كذب بدأ يذكر نفسه ويذكر الناس اللي معه اسبتوا. انتم مش عارفين انتم ايه؟ سم قال يا عباس. عباس ده موسم بقى له قد ايه ايام قال يا عباس كان له صوت قوي نادي فقل بنادي يوليوب ركزوا قال قل يا اصحاب السمرة يا اصحاب الشجرة يا اللي بايعتوني على الموت فقال يا اصحاب الشجرة فقالوا لبيك يا رسول الله

ورجع الف وربعميت واحد فالجيش راح راجع وراحوا زابطين تاني ايه؟ المشهد تاني اللي هم مين اه انك احيانا تقول ايه يا اصحاب دار الارقم يا اصحاب سورة البقرة في رواية انه قال ذلك يا اصحاب سورة البقرة الرجالة

سم وحمي الوطيس واخذ النبي بضع بالتراب وقال الا شاهة الوجوه ورماها عليهم سم قال اين خالد؟ قالوا يا رسول الله يشتكى يتصاب فمسح عليه النبي صلى الله عليه وسلم فشفاه الله عز وجل. حاصر الطائف النبي صلى الله عليه وسلم محاصرة طويلة وكان الموضوع صعب جدا فكل شوية يقولوا اه ادخل فهو يقول لهم بلاش يقولوا له ندخل بقى بلاش فقالوا يلا ندخل فدخلوا قالوا يا رسول الله احنا لازم ندخل؟ الموضوع قوي جدا

فرأى النبي رؤيا انه لم يؤذن له بعد ان يفتحها. فانصرف صلى الله عليه وسلم ووزع الغنائم على سادات العرب وعاد الانصار لرسول الله. صلى الله عليه وسلم. في ذي القعدة سنة ثمانية هجرية ولد

ابراهيم. من مين ماريما وكانت ملكي يمين للنبي صلى الله عليه وسلم. نفسكم انتم ايه الايام دي ترجع تسعة هجرية سمي بعام الوفود وكان في اكثر من ستين وفد. في رجب تسعة هجرية مات اصحمه ملك الحبشة

النجسي وصلى عليه صلاة الغائب آآ اجتمع الروم لمحاربة النبي فجهز جيشا قرابة ثلاثين الف وسمي جيش العسرة لانه كان في وقت حر وما فيش اكل وما فيش شرب وما فيش فلوس. هو ابو بكر جاء بكل ما له وعمر جاب نصفه. وعمر انفق انفاقا حتى قال له النبي ما ضر عثمان عثمان ما فعل بعد اليوم جيش تبوك كان اقرب للتجنيد الاجباري ما تخلف عنه الا صحابي معذور او

مناقق والعياذ بالله. او انسان عاصي  
كالثلاثة الذين تخلفوا رحل النبي صلى الله عليه وسلم الى الروم. لما علموا هذا الترتيب هابتهم العرب. الله اكبر. تروحين تقاتلوا الروم.  
كان كبير قوي كات الروم ديت حاجة كده ايه يعني مرعب مرعب  
في يوم من الايام عمر في يوم من الايام واحد بيخبط عليه الباب جري قال له ايه؟ قال له اجاءت غسان؟ هم جم كانوا بيتحدثوا ان  
هم هيبجوا. فالنبي صلى الله عليه وسلم اراد فلما اراد ان يباغتهم وبعث لقيصر رسالة قال له اما الجزية  
واما الاسلام واما القتل واحدة من الثلاثة وما رضيش ايه؟ يقاتل النبي صلى الله عليه وسلم. فالنبي صلى الله عليه وسلم انتظره  
عشرين يوم. طب ما هو شهر واحد من ثلاثة وتعال قاتلني. قال لن اقاتلك  
عارف القصة اللي بيحكياها الشيخ الحويني يقول لما فيه اتنين اتخانقوا مع بعض زوج وزوجته وراح الزوج داخل تحت السرير  
فزوجته بتقول له لو كان والدك خلف راجل يطلع قال طب والدي خلف راجل  
وانا راجل وهنشوف كلام فيهم مين فينا اللي هيمشي ومش طالع. فهو كده بقى ابنه قيصر عمل حاجة زي كده. مش جاي يا عم تعال  
عشرين يوم ينتزروا والنبي ما اتى فانكسرت هيبة هؤلاء فين؟ في نفوس العرب  
لما رجع النبي صلى الله عليه وسلم اخبره الله ان المنافقين بنوا مسجدا. المنافقين بنوا ايه؟ الجامع. مسجد ضرار. فامر النبي صلى  
الله عليه وسلم بتحريقه اخر العام التاسع توفيت ام كلثوم. مين ام كلثوم  
الثاء مع الثاء يبقى عثمان ماشي. بنت النبي صلى الله عليه وسلم وتوفي ايضا في هذا العام رأس المنافقين ابن سلول. في زو القعدة  
تسعة هجرية ارسل النبي ابا بكر ليحج هذا العام  
ويشيل الاصنام والاوسان حوالين الكعبة يهين للنبي صلى الله عليه وسلم. في سنة عشرة في ربيع الاول توفي ابراهيم ابن النبي  
صلى الله عليه وسلم. ما تهنأ بشيء صلى الله عليه وسلم. حتى الولد اللي جا له في اخر حياته اخذ منه  
حتى لا يتعلق الا بربه واذن في الناس واعلن في الناس ان النبي سيحج هذا العام في سنة كم عشرة كله بقى راح المدينة راح مكة  
بمدينة شانيه هيجج مع النبي ليتم بها. فذهب وتحرك معه مائة الف  
وحج معه نسأوه التسع في حجة الوداع قال كل شيء حتى قال لعلي لا القاكم بعد عامي هذا وقد كان في سفر حادشر هجريا جهز  
جيشا لغزو الروم على رأسه اسامة بن زيد. يرد على مؤتة. في اخر سفر حادشر هجرية مرض النبي وبدأ الصداق  
يشعر بدأ ايه؟ بدأ اول امره بدأ بصداق وكانت مدة المرض تلتاشر يوم. فارتفعت الحمى فلم يستطع يخرج الناس فامر ابا بكر فليصلي  
بالناس. فلما احس بخف بخفة كده في جسمه اتكأ على الفضل علي وخطب خطبة وكانت اخر خطبة في حياته  
اثنى على الانصار وعلى ابي بكر واسامة بن زيد ولما وخرج صلى الله عليه وسلم واياه؟ وآ مرض في بيت عائشة. في يوم من الايام  
شعر بخفة. فتهدى بين رجلين للصلاة  
فلما دخل وكان ابو بكر يوم الناس رجع ابو بكر النبي صلى الله عليه وسلم قال له ايه؟ كما انت. يوم الاحد قبل الوفاة بيوم جيش  
اسامة كان طلع بره المدينة رجع وقف  
وعاد للمدينة. عرف ان النبي صلى الله عليه وسلم مريض مرض شديد جدا ما قدروش ايه؟ يمشوا فما يستحملوش يوم الاثنين احنا  
في شهر كم شهر كم؟ في اخر سفر حادشر هجرية  
ده كان مرضه سم دخلنا بعد كده في ربيع الاول. يوم الاثنين اشتد المرض واستفاق فجر يوم الاثنين فجر يوم الاثنين. فكشف الستر  
من الحجر. شاف الستارة كده فوجد الناس يصلون فتبسم. يقول انس فتبسم  
كم كانه ورقة مصحف. من البهاء سبحان الله قصة بدأت ببشروني الخائف وانتهت بتبسم الموفق الناجح قصة عشرين سنة يوم  
الاثنين حادشر هجرية اتناشر ربيع الاول اشتد المرض. حتى قال لا اله الا الله ان للموت لسكرات  
وترتفع روحه الطاهرة للسماء ويتغير وجه الارض. حتى قال انس مات النبي وخرج من المدينة فاظلم منها كل كل شيء. لم يصدق  
الصحابة انه مات حتى قال بعضهم كيف يموت وهو شهيد علينا  
وقال بعضهم والله ما مات كما قال عمر ولكن ذهب الى ملقاة ربه وذهب بعضهم يسأل عائشة فلما دخلوا عليها فقالت لهم مات رسول  
الله فسألوا عائشة فقالت مات رسول الله. فجاء ابو بكر. وكان اخبر الناس به حيا وميتا. فلما رآه سال الدمع  
ومن عينه. وقال طب حيا وميتا ثم قبله بين عينيه. وقام يديره تلك الازمة بثبات جأسه. وقوة بصيره وتدبره لكلام ربه وخطب  
الخطبة الشهيرة من كان يعبد محمدا فان محمدا قد مات. ومن كان يعبد رب محمدا  
فانه حي لا يموت. وما محمد الا رسول. ثم غسلوه في ثيابه اه في واقعة مشهورة نحكيها ان شاء الله غسله من علي والعباس وابناء  
العباس الفضل. وشقران مولى النبي واسامة بن زيد  
وقسم وكفن في ثلاثة ائية كفن في ثلاثة آآ قطع. وآ اذن للناس ان يصلوا عليه ثلاثة ايام يدخلوا مثنى وفرادى وثلاثى. دون ان يؤمهم  
احد. ثم دفن في الموضع الذي توفي فيه. دخل  
الفضل وعلي والعباس. وقيل ان عبدالرحمن بن عوف. ثم اثم وشكران هم الذين انزلوه لقبره هو اخر المسلمين عهدا بالنبي صلى الله

عليه وسلم. دفن ليلة الاربعاء مات يوم الاثنين ليلة  
اثنين ودفنا ليلة الاربعاء. تقول عائشة ما علمت انه دفن الا بعد ما سمعت صوت صوت الفؤوس. المساحي فبكيت وما من بيت في  
المدينة الا وبكى. خلاص سامع صوتي ليه ايديه التراب شغال شغال. وادعى المغيرة  
قال المغيرة ان قدم النبي مكشوفة فدخل ووضع قدمه قال وكان اخر شيء ان نقدني التصقت بقدم النبي صلى الله عليه وسلم دفن  
ليلة الاربعاء وجاءت فاطمة تقولوا لي آآ انسي يا انس اطابت انفسكم ان تهلوا التراب  
على رسول الله صلى الله عليه وسلم. تلك كان يعني فهرس عام عن سيرة النبي صلى الله عليه وسلم من البداية للنهاية. وان شاء الله  
عزال اه يعني اذا دبر الله ويسر واستمرينا نتكلم عن سيرة النبي صلى الله عليه وسلم بشيء من التفصيل. اسأل الله عز وجل ان ينفعنا  
واياكم ويرزقنا واياكم حسن العمل  
وحسن الخاتمة وان يحشرنا مع النبي صلى الله عليه وسلم. اقول قولي هذا واستغفر الله